

Dia publico Monumentenfonds

ORANJESTAD- Diahuebs dia 25 di Juni 2015 Stichting Monumentenfonds Aruba lo celebra su 19de cumpleaños cu un dia publico. E fundacion lo habri su portanan pa publico di 2.30pm te cu 5.30pm.

Nos ta invita cada persona cu kier bini wak kico e fundacion ta haci, cu kier sa na unda e fundacion ta situa, cu kier ricibi mas informacion tocante e trabou di e funda-

cion of cu kier bishita e edificio monumental na unda e oficina di fundacion ta situa.

E team di Monumentenfonds Aruba lo ta presente pa yama bon bini na tur bishitantenan na nos edificio monumental na Avenida Milio J. Croes # 26. Bishitantenan lo haya un recorrido y splicacion riba nos proyectonan y trabou di fundacion y por gosa algo di bebe y come. Artistanan local lo ta presente por ehempel musica di harpa di cunukero's di Noord y



pinturanan nobo di pintor Franco Koolman.

Durante e dia publico directora señora Anne Witsenburg lo duna un presentacion cortico tocante e trabou di fun-

dacion y Witsenburg lo papia over herencia cultural y lo pone e pregunta central 'Kico ta herencia?'. Señor Ronald Arends (Oficial di mantenimiento di fundacion) lo pa-

pia over edificacionan monumental y e mantencion di e edificacionan ey. Tambe Monumentenfonds lo duna informacion tocante e edificio y obhetonan cu Stichting Monumentenfonds Aruba tin den su posesion.

Dia publico Stichting Monumentenfonds Aruba: Kico? Celebracion cumpleaños di Stichting Monumentenfonds Aruba. Con? Cu un merdia publico na unda nos ta yama tur hende (jong y grandi) bon bini. Ki dia? Diahuebs 25 di Juni 2015, orario 2.30-5.30pm, na Avenida Milio J. Croes # 26 cu special Musica di Harpa di cunukeros di Noord y pinturanan nobo di pintor Franco Koolman. □

